

Meeqqat peqqissusaannik misissuisarnerit meeqcerisumillu misissorneqartarnerat pillugit Namminersornerullutik Oqartussat nalunaarut

Peqqinnissaqarfiup sullissineri il.il. pillugit Inatsisartut peqqussutaanni nr. 15-imi, 6. november 1997-imeersumi, Inatsisartut peqqussutaatigut nr. 12-ikkut 14. november 2004-imeersukkut allanngortinneqartumi § 10, imm. 3 aamma § 13 naapertorlugit aalajangersarneqarput:

Meeqqat peqqissusaannik misissuineq pinaveersaartitsissutasoq

§ 1. Meeqqat atuartussaatitaaneq ataallugu ukiullit tamarmik najukkami nakorsamit peqqissutsimikkut misissortinnissaminnut neqeroorfingineqassapput.

Imm. 2. Misissuinerit arfineq-marluk sapinngisamik anguniarneqassapput, ikinnerpaamilli imatut:

1) sapaatit akunnerinik tallimanik utoqqaassusillit,

2) ataatsimik ukiullit aamma

3) sisamanik ukiullit tappissusaannik tutsarissusaannillu misissuineq.

§ 2. Meeqqat tamarmik 1. imaluunniit 2. klassini atualereersimasut najukkami nakorsamit peqqissutsimikkut misissorneqarnissaminnut neqeroorfingineqassapput.

Imm. 2. Misissuisarnissat atuarfik suleqatigalugu aaqqissuunneqassapput.

§ 3. Najukkami nakorsamit peqqissutsimik misissuineq pinaveersaartitsissutaasoq makkuninnga imaqassaaq:

1) Meeqqap qanoq innera, ineriariornera nappakulasinnaaneraluunniit pillugit oqaloqatigiinneq.

2) Meeqqamik misissuineq.

3) Angajoqqaanik oqaloqateqarlunilu ilitsersuineq.

4) Malittarisassat atuuttut malillugit akiuussutissaliineq.

Meeqqat atuartussaatitaaneq ataallugu ukiullit meeqcerisumit misissorneqartarnerat

§ 4. Meeqqat tamarmik inuunerminnit ukioq siulleq meeraaqcerisumit misissorneqartarnissaat neqeroorutaassaaq, tamatumani lu meeqqap angerlarsimaffianut takusaaneq annerusumik ileqquuvoq.

Arfinileriarluni takusaasarnissaq anguniagaavoq, ikinnerpaamilli imatut:

1) erninerup kinguninngua angerlarsimaffimmut takusaaneq

2) pingasut sisamallu missaannik qaammateqalernermi misissortinnej aamma

3) 7-10-nik qaammateqarnermi misissortinnej.

Atuarfimmi meeqcerisumit misissortinnej

§ 5. Meeqqat atuartussaatitaasut meeqqerisumit misissorneqartarnerisigut aamma akuttungngitsumik meeqqanut attaveqartarnikkut peqqinnissakkut ajornartorsiutaasinnaasut nalinginnaasut meeqqallu ataasiakkaat peqqissutsimikkut ajornartorsiutaat qulaajarneqartassapput.

Imm. 2. Atuarfik suleqatigalugu piginnaasanik misissuisarnissat aaqqissuunneqassapput.

§ 6. Meeqqanut inuuusuttuaqqanullu 6. klassinit qummut atuarfik isumasioqatigalugu inuuusuttuaranngulernermi ajornartorsiutit, atornerluinermik ajornartorsiutit niviarsiaqqat nukappiaqqallu qanoq pissuseqartarnerat, naartunaveersaatit/kinguaassiuutitigut nappaatinut illersuutit pillugit siunnersuinissamik atuarfimmi meeqqerisut neqerooruteqassapput.

Meeqqat inuuusuttuaqqallu immikkut pisariaqartitallit

§ 7. Meeqqat inuuusuttuaqqallu immikkut pisariaqartitallit atuartussaatitaanerup naammassineqarnissaai tikillugu immikkut suliniuteqarfinginissaat neqeroorutaassaaq, tassunga ilanngullugit tunaartalimmik siunnersuineq, ikuineq kiisalu najukkami nakorsamit imaluunniit meeqqerisumit misissortinnerit amerlanerusut.

Imm. 2. Imm. 1 malillugu immikkut suliniuteqarnissamik pisariaqartitsisoqarnersoq najukkami suliassaqarfit akimorlugit angajoqqaat, ilinniartitsisut, perorsaasut, kigutit nakorsaallu suleqatigalugit najukkami peqqinnissamik sullisisunit nalilerneqassaaq. Isumaginninnermut, perorsaanermut kiisalu peqqinnissamut tunngasuni ilisimasalittut oqartussat pisariaqartillugu naliliinermi peqataatinneqarsinnaapput.

§ 8. Meeqqat tamatuminnga immikkut pisariaqartitsisut ataatsimik ukiullit saniatigut § 4 naapertorlugu angerlarsimaffianni meeraaqquerisumit misisorneqarnissaat neqeroorutaassaaq.

§ 9. Qinnuigineqarneq malillugu atuarfinnut, ulluunerani meeqqanik inuuusuttuaqqanillu paaqqinnittarfinnut il.il. najukkami nakorsat quillersaat meeraaqquerisunilu sulisut meeqqanut inuuusuttuaqqanullu sullisisunit immikkut ajornartorsiutilittut isumaqarfingineqartunut aalajangersimasumik siunnersuinikkut ikuuuttassapput.

Imm. 2. Imm. 1-imi oqaatigineqartutut pisoqartillugu peqqinnissamik sullisisunut paaqqinnittarfik saaffiginninninnermini meeqqap angajoqqaavi ajornartorsiummik paaqqinnittarfiup ilisimatereersimassavai kiisalu taamaaliornissaq ajornannngippat ajornartorsiutip aaqqiivigineqarnissaanut peqataatillugit.

Najukkami peqqinnissamik sullissineq

§ 10. Peqqinnissamik isumaginninneq sulisunit ilinniarsimasunitpiukkunnartunit soorlu meeraaqquerisunit, peqqissaasunit, peqqissaanermi ikiortinit aamma peqqinnissamik siammarsaasunit isumagineqassaaq.

Imm. 2. Peqqinnissamik isumaginninnermik sulineq najukkami nakorsat quillersaannit aqunneqarpoq.

§ 11. Najukkami nakorsat quillersaat peqqinnisamillu isumaginninnermi sulisut atuarfii, ulluunerani paaqqinnittarfii il.il. nalinginnaasunik peqqinnissamik siuarsaanermi aamma nappaatinik pinaveersaartitsinermi suliniuteqarneranni § 10 naapertorlugu ilitsersuinermikkut ikuuutissapput, tassunga ilanngullugit meeqqat inuuusuttuaqqallu peqqillutik peroriartornissaat pillugu nalinginnaasumik siunnersuillutik aamma nerisassat eqqiluisaarnerlu pillugit paasisitsiniaallutik.

Aalajangersakkat allat aamma atuutilersitsineq il.il.

§ 12. Eqqiluisaardeq, nappaatinik tuniluuttunik akiuiniarneq, peqqinnissamullu tunngassuteqartut allat pillugit najukkani peqqinnissamik sullissinermi Peqqinnissakkut Nakkutilliisoqarfik siunnersuillunilu ilitsersuisassaaq.

§ 13. Peqqissaaveqarfinni Aqutsivik Peqqinnissakkut Nakkutilliisoqarfik suleqatigalugu meeqqat peqqissusaannik misissuisarnerit meeqqerisumillu misissorneqartarnerat pillugit nalunaarutip matuma itisilerneqarnissaanut najoqqutassaqaqtitsisinnaapput.

§ 14. Peqqissaaveqarfinnik Aqutsivik peqqinnissamik isumaginninnermi suliat pillugit ukiumoortumik nalunaarusiortassaaq.

§ 15. Nalunaarut manna 1. marts 2005-imi atuutilerpoq

Imm. 2. Tamanna peqatigalugu atorunnaarsinneqarput

1) Nakorsaanerup kaajallaasitaa nr. 109, 24. maj 1976-imeersoq "Kalaallit Nunaanni peqqinnissaqarfipataani pinaveersaartitsinermik suliat pilersaarusiornissaannut najoqqutassat".

2) Nakorsaanerup kaajallaasitaa nr. 108, 8. marts 1976-imeersoq "Kalaallit Nunaanni Nakorsaanermit najukkani nakorsanut, DIH-mi nakorsaanernut, nunaqarfinni peqqissaasunut aamma meeraaqquerisunut"

3) Pitsaliuinermi Siunnersuisoqatigiit pillugit Peqqinnissamut Avatangiisinullu Pisortaqaqrifup kaajallaasitaa nr. 1, 11. november 1993-imeersoq.

4) Peqqinnissamut Ataatsimiititaliat Peqqinnissamullu Pilersaarusat pillugit Peqqinnissamut Avatangiisinullu Pisortaqaqrifup kaajallaasitaa nr. 7, 15. november 1993-imeersoq.

5) Peqqinnissamut Avatangiisinullu Pisortaqaqrifup sulisoqarnikkut aqutsinera pillugu najoqqutassat nr. 2, 23. januar 1995-imeersut "Nunatsinni ernisussiortuunerit sulinerminni atugaat pillugit najoqqutassat"

Namminersornerullutik Oqartussat, ulloq 14. februar 2005.

Asii Chemnitz Narup

/

Søren Rendal

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut